



Inatsisartuni ilaasortaq Doris J. Jensen, Siumut
Inatsisartut Allattoqarfiat
/Tamassa

**Upernaviup eqqaani Naajaani Nutaarmiunilu pisiniarfinnik
ammaanissamut tunngatillugu § 37-mut tunngasutut apeqqutinut nr.
2021/171-imiittunut akissutit**

Brevdato: 17-12-2021
Sagsnr.: 2021 - 13289
Akt-id: 18799579

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Asasara Doris J. Jensen,

Inatsisartut Suleriaasianni § 37 najoqqutaralugu Namminersorlutik Oqartussanit pigineqartutut ingerlatseqatigiiffiit ilaannut ingerlatsinermik isumagineqartumut tunngasunik Naalakkersuisunut apeqquteqarsimavutit. Apeqqutigisatit uannut akineqartussanngorlugit innersuussaapput.

Naajaani aamma Nutaarmiuni KNI-p pisiniarfiinik sanaartorlunilu ingerlatsinissamut tunngasunik sammisanik apeqqutit innersuussimmata KNI A/S-imi pisorta qarfiimmit akissummik pissarsiaqartoqarpoq.

Apeqqutit ima ipput:

1. Upernaviup eqqaani nunaqarfiit Naajaat aamma Nutaarmiut KNI-ip ataani pilersuisoqarfiit pisiniarfillit assigalugit pisiniarfeqalernissaanut Naalakkersuisut suliniuteqarpat?

Piffissami matumani Naajaani aamma Nutaarmiuni pisiniarfiliorsinnaanermik Naalakkersuisut oqaluuserisaqarsimanninnerat ilisimatitsissutigisinnaavara. Aalajangiussineq taama ittoq pissappat naalakkersuineri pingaarnersuinerup ilagissavaa, tamanna Naajaat aamma Nutaarmiut kiffartuussivigineri KNI A/S-imut annertusisamik kiffartuussinissamut isumaqatigiisummi akiliummik, Nunatta Karsianit matussuserneqartussaassumik nassataqartussaammat.

Naajaani aamma Nutaarmiuni pisiniarfiliorsinnaanermut ingerlatsinermullu tunngatillugu KNI A/S-ip pisorta qarfiarit akissummik pissarsisoqarpoq, taakkulu makku ilisimatitsissutigisinnaavaat:

”Naajaani aamma Nutaarmiuni pisiniarfiliornert pivirusunngortissinnaanerat sioqqullugu immikkoortoqarfiit killingi arlallit qaangerlugit aalajangiussinernik tamanna pisariaqartitsissaaq. Sumiiffinni taakkunani pisiniarfimmik, toqqorsivimmik aamma pisiniartitsisup illusnaanik sanaartornernut, kiisalu

ingerlatsinernut aningaasartuutaajuartussanut KNI taamaallaat aningaasatigut missiliummik tunniussaqaarsinnaavoq.

Namminersorlutik Oqartussat aamma KNI-p akornanni isumaqatigiissummut tunngavigisaasut najoqqutaralugit nunaqarfinni pisiniarfinnik ingerlatsinernik misilittakkat tunngavigalugit tamanna Nunatta Karsianit aningaasaliiffigisassamik amigartooruteqarnermik nassataqartitsiuassaaq. Najugaqarfigisanut taakkununga pisiarisartakkanik kiffartuussinissaq pillugu ajornanngippat aalajangiussineq sioqqullugu attaveqaasersuutitigut ingerlatsiviit arlallit inissinneqartariaqarput:

- Illunut nunaminertanut sanaartorfigissaanerit (aqquserngit)*
- Talittarfii, imaluunniit toqqorsivimmut pisiniarfimmullu, taakkunangaanniillu angallassanik aqutsiffilimmik allatut qinigassatut tulattarfissaq*
- Innaallagissamik aamma imermik pilersuinerit*
- Tele aqqutigalugu attaveqaqatigiinneq.”*

2. Suliniuteqartoqarpat qaqugu pisiniarfeqalernissaat naatsorsuutigineqarpa?

Apeqqut 1-imut akissutinnut innersuussissaanga.

Apeqqutinut saqqummiunneqartunut allanik ilassutissanik ilanngussassaqaqanngilanga.

Inussiarnersumik inuulluaqquillunga,


Kalistat Lund



26. November 2021

Inatsisartut suleriaasianni § 37 imm. 1 naapertorlugu Naalackersuisunut apequt imaattoq matumuuna saqqummiuppara:

Naalackersuisunut apequt:

- 1. Upernaviup eqqaani nunaqarfiit Naajaat aamma Nutaarmiut KNI-ip ataani pilersuisoqarfiit pisiniarfillit assigalugit pisiniarfeqalernissaanut Naalackersuisut suliniuteqarpat?**
- 2. Suliniuteqartoqarpat qaqugu pisiniarfeqalernissaat naatsorsuutigineqarpa?**

(Medlem af Inatsisartut Doris J. Jensen, Siumut)

Tungavilersuut:

Ukiuni arlaqalersuni nunaqarfiit qulaani taaneqartut pisiniarfeqalernissaat noqqaassutigineqartarpoq suliniutigineqarlunilu, nunaqarfiit aalisartoqarfissuupput inuilu nunaqarfinnut allanukarlutik aatsaat inuussutissanik pisariaqartunillu allanik pisiniarsinnaasarput tamannalu qaangerniarlugu siusinnerusukkut suliniutaasartut sumut killinnersut paaserusuppara aamma qaqugu pisiniarfeqalernissaat naatsorsuutigineqarsinnaanersoq.

Apeqquteqaatikka ulluni suliffiusuni qulit iluanni akineqarnissara kissaatigaivara.